



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De plebano, qui visurarium & homicidam dulcibus verbis in confessione ad satisfactionem prouexit, cap. 50

**urn:nbn:de:hbz:466:1-13177**

## CAPVT XLVIII.

**P**ECCATOR quidam magnus, cùm pro suis peccatis nullam condignam suscipere vellet pœnitentiam, quia confessor valde prudens ac discretus fuit, ait illi: Potes pro peccatis istis magnis saltem vñā orationem dominicam per singulos dies dicere? Respondente illo: Possum: eandem ei iniunxit. Mira clementia Dei, ita eadem oratio cœpit homini dulcescere, vt redieas amplius peteret, hocque tam diu faceret, quousque ad condignam perueniret pœnitentiā. Ad discretionem confessoris pertinet, vt pro peccatis magnis magnam, & pro paruis paruam iniungat pœnitentiam. Et quia omnis pœnitentia arbitraria est, secundum qualitatem seu quantitatem pœnæ; Misericordiam semper superexaltet iudicio, siue secreta siue manifesta sit confessio, vt idem ipse consequatur a Deo.

*Discretio  
confessarij*

*Iacob. 2.*

## CAPVT XLIX.

**D**OMINVS Gisilbertus Abbas in Hemmentode, tantæ fuit misericordiæ, vt si aliquando quis monachorum, siue Conuersorum coram eo proclamatus fuisset in capitulo, & ille, neglecta virtute patientiæ, extra se fieret, infirmitati illius compassus diceret: Bone frater, vade modò sedere, & cras eandem culpam recognosce. Qui datis inducijs, ad tranquillitatem animi reductus, & de commotione verecundatus in crastino redijt, seque peccasse recognoscens, duram pœnitentiam multa patientia suscepit. Quantum etiam boni conferat pœnitentiibus confessoris affabilitas, sequens declarabit exemplum.

## CAPVT L.

**S**vpredictus Decanus Bonnensis, cùm tempore *Affabili-* quodam Quadragesimali sedens in ecclesia san- *tæ cofes-* ti Martini, in qua erat plebanus, audiret confes- *sarij.* sionem cuiusdam vetulæ, vidit eminus contra se duos ex parochianis suis in fenestra sedere, & fabulis vacare. Ex quibus unus erat usurarius, alter vero homicida manifestus. Vetula recedente, cùm accessisset ad eum

*com-*

confessionis gratia idem usurarius, ait illi Plebanus: Amice, ego & tu hodie bene decipiemus diabolum: tū tantū verbotenus confitere peccata tua, voluntate peccandi deposita, & acquiesce consilio meo, & ego tibi vitam æternam promitto: sic tibi temperabo pœnitentiam, ut non fiat tibi onerosa. Bene nouerat vi-  
tium, in quo laborabat. Respondit ille: Si hoc quod  
promittitis constaret, libens vterer consilio vestro. Et  
promisit ei. Qui cùm confessus fuisset, & abiurata  
usura pœnitentiam suscepisset, scio suo iam dicto ho-  
micide occurrentis, ait: Verè dulcissimum habemus  
sacerdotem, nam pietate verborum suorum ad pœ-  
nitentiam me adduxit. Cuius exemplo ille prouoca-  
tus, ad confessionem venit, & similia circa se pietatis  
fentiens indicia, pœnitentiam suscepit & expletuit.  
**APOLLONIVS:** Ex multis, quæ iam dicta sunt,  
considero, quod confessio multam requirat perfe-  
ctionem, tam in confitente, quam in confessore.

**Prompti CÆSARIUS:** De uno adhuc supereft dicendum, per  
r. d. o. c. quod omnes confessoris virtutes consummantur, sci-  
ferry. licet ut promptum & hilare confiteri volentibus se  
exhibeat. De hoc habes exemplum in distinctione pri-  
ma cap. sexto, vbi Angelus domini Prior de Alna in  
specie monachi impropereauit, quod eundem mona-  
chum confiteri volentem signo suspenderat. Si con-  
fessor ad hoc fuerit paratus, quantum placeat Deo, &  
quantum peccatoribus expediat, sequens sermo de-  
clarabit.

## CAPUT LI.

**A**NTE hoc biennium, cùm dominus Wilhel-  
mus Abbas Claræuallis cum cæteris Abbatii-  
bus contra Gallonem Cardinalem proiectus  
fuisset Romam, quidam ex monachis eius cùdam ex  
confessoribus peccatum quoddam criminale confes-  
sus est; cui dixit: Bene te audio, bonum consilium do,  
sed absoluere te non potero, quia confessio hæc debi-  
ta non est; consulio, & rogo, ut confitearis Priori, qui  
potestatem habet. Illo respondente: Hoc nunquā fa-  
ciam, confessor dolens, ac fluctuans corde, tacita  
persona